

№ 11 (4411) 1941 аре  
8 феврале  
Дуныз 5 коп.

# ГОРД ЗНАМЯ

7-й арзэ потэ  
АДРЕСЭЗ: Пудем село,  
Удмуртской АССР

ВКП(б)-лэн Пудемской райкомезлэн но Райсоветлэн органзы

## Большевиетской партилэсь историзэ мур изучать кароно

ВКП(б)-лэн историезлэн „Краткой Курсэз“я нимаз книга потэм дырысен ортчиз ни дыр кык арлэсь нотрос. Большевиетлэсь историзэ калык'ёслэн вождьзылэн Сталин эшлэн непосредственно участинез научно изожить карон, большевиетской партилэн, Советской калыклэн но трудяш'ёслэн улоназы бадзым инты басытэ. Марксизмлэн-Ленинизмлэн энциклопедиез—„ВКП(б)-лэн историезлэн Краткой курсэз“—луиз трос миллион'ем советской калыклэн но капиталистической странаосысь сю сюрс'ёсын революционной рабочий'ёслэн настольной книгаенызы. Большевиетской партилэн героической уж'ёсыз сярись сталинской повествования луиз трудяш'ёслэн пасыкыт массаосызлэн но, нырысь ик, партилэн, комсомоллэн но советской государстволэн кивалтысь кадр'ёсызлэн боевой оружиенызы.

ВКП(б)-лэн историезлэн „Краткой курсэз“ потэм бере партилэн но комсомоллэн пропагандистской у же з трослы умояз. Асьме районьсь 438 мурт коммунист'ёс но сельской интеллигенция самостоятельно изучать каро партилэсь историзэ, тросэз соос ветло доклад'ёсы, лекциосы. Нош райсоветлэн исполкомезлэн секретарез Белозерская но райпрокурорлэн юрттисез Чечегов но куд-ог мукет'ёсыз эш'ёс „ВКП(б)-лэн историезлэсь Краткой Курсэз“ изучать каронэз йылпумязы ни.

Янгыш луысал вератэк кельтыны асьме кадр'ёсмылэсь идейно-политической уровеньэз жутонын тырмымтэосэс. Эшшо тросэз коммунист'ёс уг тодо на асьме партимылэсь историзэ, яке куд-огез коммунист'ёс сое изучать каро туж гызмыльтыса, яке солэсь туж кыдэке палэнкыса уло.

—Кыче пöртэмлыксы вань 1860—70 ар'ёсы но 1880—90

ар'ёсы народник'ёслэн шуыса юамлы, райсоветысь первичной парторганизацилэн секретарез И. И. Ушаков эш ответ сётыны оз быгаты, нош ачиз „Краткой курслэсь“ У главазэ изучать карыско ни шуэ. Марин вызвать каремын русско-японской война шуыса юамлы, госбанклэн отделениезлэн управляющоез Коробейников шуэ,—экономической кризис луэмен сэрэн. ВКП(б) райкомлэн учетэзлэн заведующоез Щепин ВКП(б) лэн историезлэсь „Краткой курсэзлэсь“ кыктэтй главазэ изучать карыско ни шуэ, нош крымской компани сярись номыре но вераны уг быгаты. Райпотребсоюзлэн торготделэзлэн заведующоез Ляпунов эш партилэсь историзэ изучать карем гинэ өвёл, но кыче газет но уг лыдзы. Со та дырозь өвёл адзылэм на СССР-лэн СНК-езлэсь но ВКП(б)-лэн ЦК-езлэсь государстволы йёл сётон сярись но интыысь промышленностез пасыкытатон сярись постановленизэс, нош Ляпунов ВКП(б) членэ пырыны малпаське.

Уг луы вунэтыны сое, что коммунистической партилэн уставез котькуд коммунистэз обязывать каре асьсэлэсь сознательностьсэс жугон бордын, Марксизмлэн-Ленинизмлэн основаосыныз овладевать карон бордын ужаны. Партилэсь историзэ тодытэк капчыин пöрмыны луэ делегалы но крохоборлы. Озы ик со луонлык кылдытэ оппортунистической янгыш'ёс лэсьтонлы но сётэм ужез быдэстыны быгатымтэз.

Кулэ добитыса карыны сое, чтобы асьмелэн кивалтысь кадр'ёсмы мур изучать мед карозы партилэсь историзэ, Маркс-лэсь, Энгельслэсь, Ленинлэсь, Сталинлэсь произведениоссэс. Партилэсь историзэ изучить карон луонлык сётоз коммунизмлэн торжествоз понна нюр'ясыконын выль вормон'ёс басыны.

## Удмуртской АССР-ысь колхоз'ёсын государстволы йёлэз одно сётонлэн нимаз-нимаз район'ёс'я нормаосыз сярись

СССР-лэн Совнаркомысьтыз Экономической Советлэн пунктэмысьтыз

1. Удмуртской АССР - ысь колхоз'ёсын государстволы йёлэз одно сётонлэсь Удмуртской АССР-лэн Совнаркомыныз но ВКП(б) обкомэн сётэм порайонной годовой нормаосы юнматон (муз'емлэн 1 гектарысьтыз литр'ёсын вераса):  
**Район'ёс:**  
Пудемской 10 литр.  
Тупатон, что 1941 арын государстволы йёлэз одно сётонлэн порайонной нормаосыз

огвадеслы лыд'яско льготно, а именно та постановлениен юнматэм нормаос сярись 80 процент размерен.  
СССР-лэн С Н К - ысьтыз Экономсоветлэн Председателезлэн Зам. А. МИКОЯН.  
СССР-лэн С Н К - ысьтыз Экономсоветлэн Секретарез М. ПОМАЗНЕВ.  
Москва, Кремль.  
24 январе. 1941 аре.

## Сельской хозяйстволэн специалист'ёсызлы счет

Сельской хозяйстволэн азымын'ёсызлэн Республиканской совещанизылэн Пудемской районьсь делегат'ёсыз 4 феврале берлань берытскизы. Соос бертэм бере „Горд Знамя“ газетлэн редакцияз куд-ог делегат'ёсын беседа ортчытэмын. Беседаын вал Еловской сельсоветысь „Труд“ колхозлэн телятницаез Барышников, Кировлэн нимыныз нима колхозлэн полеводческой бригадаезлэн бригадирез Лапин но Люмской сельсоветысь „Выль сюрес“ колхозлэн етйн'я звенолэн членэз Королева эш'ёс. Беседа выль активностен ойдг час котыр ортчиз. Республиканской Совещанилэн участник'ёсыз асьсэос азе пунктэ задача азыланьын эшшо но выль вормон'ёс басытыса ужаны. Соос колхоз'ёсы мыныса конкретной обязательствоос басытыны но со обязательствоосты уж вылын быдэсьян понна нюр'ясыкыны кыл сето.

Беседа ортчытыку Королева эш вераз: „Мон трос ар'ёс чоже етйн бордын ужась звенолэн членэз луыса ужасько ни. Та берло ар'ёс куспын етйн ужын трос ужан амал люкай. Табере мынам бадзым мылкыды вань ни звеньевая

луыса ужаны но етйнлэсь выль удалтонлыкэ басытыны аслам непосредственной кивалтэм улсам. Та мылкыдме эшшо но пасыкытомытйз на сельской хозяйстволэн азымын'ёсызлэн республиканской совещанизы. Но вань уж пыкиське со борды, что мон уг тодыськы кызы та ужез умой рад'яны луысал, кызы ужан план лэсьтоно но кызы умойгес луысал вань уж'ёсыз синмасымон быдэсьянй. Та ласянь мыным одно ик агронтмэсь юртэм кулэ вал. Озы ке но, со юрттэтэз мон но, мукет'ёсыз но милям колхозысь звеноен ужаны мылкыд карись колхозницаос, участковой агрономлэсь Ушаков эшлэсь но кыче юрттэт уг адзыло.“

Королева эшлэн верамез зэм. Со Ушаковлэн гинэ тырмымтэ интыез өвёл, а та че факт'ёс вань мукет'ёсыз участковой агроном'ёс ласянь но.

Сельской хозяйстволэн специалист'ёсызлы ужан дырез чик ю н м е быдтонлэсь п а л э н с к ы н ы понна, кулэ чөмгес ветлыны колхозной производствоосы и отын нимаз - нимаз колхозник'ёслы но колхозницаослы конкретной юрттэт сётылоно.

## Подписчик'ёс газет уг басыто

Районысьтымы куд-ог письмоносец'ёслэсь ужзэс эскерыса установить каремын, что тросэз соос аслэсьтыз ужзэс чидантэм урод быдэсьяло. Почтовой отделениысь газет'ёсты но журнал'ёсты басытыса, колхозной письмоносец'ёс соосты подписчик'ёслы сётытэк, колхозлэн канцелярияз кушто но кельто. Колхозлэн канцеляриясьтыз газет'ёсты но журнал'ёсты подписчик'ёс басыто соку, кук колхозник'ёслэн обш о й собранизы люкаське, нош собрание кема чоже уг ке люкаськы, подписчик'ёслэн

газет'ёссы но журнал'ёссы колхозлэн канцеляриезлэн шкафаз возисько. Та че факт'ёс шараямын Бозинской сельсоветысь Буденныйлэн но Ворошиловлэн нимынызы нимаз но мукет'ёсаз колхоз'ёсын.

„Горд Знамя“ газетлэн редакцияз вазиське связьлэн контораезлэн начальникезлы, чтобы со матысь дыре мед палэнтоз та че безобразности но дырыз дыр'я подписчик'ёслы газет'ёсты но журнал'ёсты вуттылыны условиос мед кылдытоз.

## ИВОРТОН

13 феврале 1941 арын, 9 часэ чукна районной клублэн помещенияз районной партийной собрание өтйське.

### Эскероно ужпум'ёс:

ВКП(б)-лэн Удмуртской Обкомезлэн январьской пленумезлэн итог'ёсыз доклад.

ВКП(б)-лэн член'ёсыз но кандидат'ёсыз собрание одно ик лыктоно луо. ВКП(б) райком.

## Партийной документ'ёсты кулэез'я оформлять кароно

ВКП(б) райком дугдылытэк лышетэ первичной партийной организациослэсь секретарь-ёссэс партийной документ'ёсты кулэез'я оформлять карон вэпросэн. Тужгес но бад'зым саклык вис'яське первичной партийной организациосын оргчйтэм собраниосын гож'ям протоколэз оформлять каронлы. Озы ке но, районьсьтымы куд-ог первичной партийной организациослэн секретарьёссы та уж борды мылысь-кыдысь оз кутске на. Партийной собраниослэч протокол'ёссы оформлять каро тят но лят. Умой оформить кэрымтэ протоколлэн пуштрэсэз'я куддыр'я шодыны луэ сое, что первичной партийной организациос портэмь вэпрос'ёсын подменять каро партилэсь райкомзэ.

2 январе туэ арын торгово-заготовительной первичной парторганизацилэн собраниез ортчиз. Собраниын ВКП(б) райкомлэн пленумезлэн итог'ёсыз'я та же содержанию решение поттэмын вал:

... Колхоз'ёс кустын но

нимаз-нимаз колхозник'ёс пöлын организовать кароно социалистической соревнования... Нош партие пыртон но егит коммунист'ёс пöлын уез паськытатон сярэсь первичной партийной организацилэн решенияз одйг кыл но верамтэ, хотя, партилэн райкомезлэн пленумаз та вэпросэн трос ке но вераськемын вал.

Решение кутэм бере первичной партийной организацилэн секретарез Ельцов эш протоколэз чик эскерытэк подписать каре. Соин ик луыло та же тырымтэос но. Уг луы вераны, что торгово-заготовительной первичной партийной организациос коммунист'ёс ичи дышетскемын шуыса. Уж со бордын, что первичной парторганизацилэн секретарезлэн Ельцов эшлэн мылыз уг поты валаны ВКП(б) райкомлэсь валэктэм'ёссэ.

И. Булдаков, ВКП(б) райкомлэн оргинструкторской отделэзлэн заведующее.

## Постоянно-действующей комиссиослэн уженызы по-большевистски кивалтоно

ВЛКСМ-лэн Центральной Комитетэзлэн XI пленумез комсомольской организациослэсь вань ужэс перестроить карыны конкретной программа сёт'я. Пленумлэн решенияз вераське, что „лыд'яно комсомоллэн важнейшой задаче-ныз комсомольской организациослэн вань ужазы паськыт массаосты кысконэз. Комсомольской орган'ёслэн руководящой уж'ёсазы активез кыскыны понна, райком'ёсын но горком'ёсын комиссиос кылдытоно.“

Комсомоллэсь ужэз перестроить каронын но умоятоньн та решение бад'зым инты ке но бастэ, ВЛКСМ райком та решенилы ногыче значене но уг сёты. Бастом кылсярысь, пропаганда но агитация комиссилэсь ужэз, кудыныз кивалтэ ВЛКСМ райкомлэн секретарезлэн заместителез И. М. Ушаков эш. Та комиссия аспаз уженыз чик уг кивалты. Токмаен ик овёл районьсьтымы 807 комсомолец'ёс пöлысь партилэсь историез изучать каро 272 мурт котыр гинэ. Соос но партидэн историезлэн „Краткой Курсэзлэн“ 1—2 главаосаз гинэ пукыса уло. Партилэсь историез изучить каронын туж гызмыльтыса уже комиссилэн председателез И. М. Ушаков эш но. Баяраньсь но Заризильсь комсомольской организациосысь комсомолец'ёс партилэсь историез чик изучать уг каро.

Риковской первичной комсомольской организациосысь 13 комсомолец'ёс пöлысь ВКП(б) лэн историезлэсь „Краткой Курсэ“ изучать карыны „тыршэ“ 6 мурт гинэ, нош комсомольской комитетлэн секретарез

(ВЛКСМ райкомлэн бюроезлэн членэз) Корепанов, аспаз верамез'я, мырдэм кыктэ-тй главаз гинэ изучать каре ни. Но тае оскыны туж шугяке Корепанов самой элементарной юан'ёслы но ответ сётыны уг быгаты. Кылсярысь, ку вал крестьянской реформашуыса юамлы, Корепанов ответ сётыны оз быгаты. Партилэсь историез чик изучать уг кары ВКП(б) райкомлэн счетоводэз Л. П. Исинбаева эш но.

Куд-ог первичной комсомольской организациосын вань сыче комсомолец'ёс, куд'ёсыз партилэсь историез самостоятельно изучать карыны уг быгато. Та же комсомолец'ёс понна одно ик кружок'ёс кылдытоно вал но, ВЛКСМ райкомлэн секретарез З. С. Чиркова эш та ласянь уг ик малпаськы. ВЛКСМ райкомлэн секретарез Чиркова эш ас эрказ лэзиз райкомолэ кылдытэм комиссиосын кивалтонэз но. Нош пленумлэн решенияз мечак верамын, что „комиссиос ужаны кулэ райком'ёслэн но горком'ёслэн кивалтэм улсазы.“

Кемалась ик овёл ВКП(б) райком кылскиз райкомолысь пропаганда но агитация комиссилэн ужамез сярэсь отчет, но та комиссилэсь ужэз неудовлетворительно лыд'яз. Соин валче та комиссилэн председателезлы но ВЛКСМ райкомлэн секретарезлы конкретной предложениос сётэмын, чтобы азыланьын райкомолэ кылдытэм вань комиссиослэсь ужэс копак выльдон понна.

Максимов, ВКП(б) райкомлэн кадр'ёс'я инструкторез.

## Иоганнесбургын событиос

Лондон, (ТАСС). Рейтер агентствэ ивортэ, что 31 январе Иоганнесбургын (Южно-Африканской Союзлэн бад'зым городэз) серьёзной беспорядок'ёс кылдызы. Городын жытазе „Оссева Брандваг“ национальной антибританской организацилэн член'ёсызлэн собраниязы ортчиз. Собрание б е р е ульчаосын пумит'яськон'ёс кутскизы, татын „Оссева Брандваглэн“ член'ёсыз, солдат'ёс но гражданской калык участвовать карызы.

1 феврале жытазе беспорядок'ёс выльысь кутскизы. Полиция синвуэз поттысь газ'ёсты уже кутыз но болюосын жугыны кутскиз. Иоганнесбургэ отемын вал мукет город'ёсысь ватса полицейской кужым'ёс, озы ик воинской частьёс. Беспорядок'ёс дыр'я тросаз магазин'ёсын укноос пазьгемын вал. Солдат'ёс

## Интыгысь промышленностьлэн 160 выль предприятиосыз

Иваново. Областьлэн интыгысь промышленностез но промкооперация тросэн кулэ луись вуз'ёсты туэ арын кылем арлэсь 68,4 миллион манетлы тросгес сётэз. Интыгысь сыр'ёлэсь нырысьсэ лэстыльськозы эмалированной чайник'ёс, кастрюляос, замок'ёс, велосипедной насос'ёс, куас'ёс, нылпиослы велосипед'ёс. Кылдо 160 предприятиос, 8 районной промышленной комбинат'ёс, 200 уно артельёс но мастерскойёс. Пус'емын кылдытыны сион-юон потгыны 49 предприятиос.

## 200 километр кеме Вал вылын переход

Сталинград. Ново-Анненской кавалерийской клублэн курсант'ёсызлэн группазы асысь районзылэн колхоз'ёстызы вал вылын переход лэстыз. Переход дыр'я курсант'ёс колхоз'ёсын ворошиловской всадник'ёслэсь 14 группазэс но ворошиловской стрелок'ёслэсь нырысетй ступенья 16 группазэс кылдытызы.

## Колхозник'ёс понна нуналмысь сюлмаськоно

Чабыровской сельсоветысь, Молотовлэн нимыныз нима колхозлэн председателэз И. П. Семакин, неграмотнойёсты но малограмотнойёсты дышетон понна нокоя но уг сюлмаськы. Озы ик колхозник'ёс понна ногыче культурной условиос но кылдытымтэ. Колхозлэн красной уголказ нокин но уг ветлы, эстылымтэ со. Колхозлэн председателез Семакин жожке неграмотнойёсты но малограмотнойёсты дышетыны помещение овёл шуныт, дун возэн сярэсь уг но малпаськы.

Куртеев, Марьян.

„Трансваалер“ газетлэн зданияз пырыны туртскизы. Татын „Оссева Брандваглэн“ кивалт'ясь центрэз луэ. Толон чукна городын чалмыт вал, нош ульчаостй бронеавтомобильёсын ветлызы. Көня ке сю мурт люкаськыз „Трансваалер“ газетлэн но Герцоглэн органэзлэн—„Вандерлендлэн“ зданиоссы доры. Зданиос сöрылэмын. Та дырозь 140 мурт сöсыртэм'ёс, тужгес ик солдат'ёс, госпитале келямын.

Иоганнесбургын событиосын валче воинской частьёсын отпуск'ёс дугдытэмын. Военной пикет'ёс властьёслы городын порядок тупатыны юртто.

Нью-Йорк, (ТАСС), Ассошиэйтэд Пресс агентстволэн ивортэмез'я, Иоганнесбургын порядок тупатэмын.

Кэптаунын выль политической группа — „Африканской партия“ кылдытэмын, со Герцоглэсь позицияз поддержать каре.

Южно-Африканской Союз—британской доминион. Со 1910 арысен Южной Африкаын британской владениослэсь бад'зым люкетсэс огазея. Иоганнесбург Трансвалын луэ но Южно-Африканской союزلэн зарнипоттон промышленностезлэн центрэз луэ.

Иоганнесбургын берло событиос странаын политической положенилэн лэчытомезлэн азыланьын мынонэз сярэсь верало. Внутриполитической нюр'яськон'ёс Южно Африканской Союзлэн войнае пырыськеменыз валче трослы лэчытомиз. Генерал Герцог 15 ар чоже, 1924 рысен 1939 арозь, Южно-Африканской Союзлэн премьер-министррез вал. Со Южно-Африканской Союзлэн войнаын участвовать каронэзлы пумит вераз. Сыче позиция бастэменыз валче Герцог премьер-министрысь поттэмын вал.

## Францын выль политической организация

Берлин, (ТАСС). Германской информационной бюролэн ивортэмез'я 1 феврале Парижын выль организация кылдытэмын, солэн кивалт'ясьёсыныз луо Лавальлэн матысь сотрудикиез Фонтонуа, Марсель Деа но азыло фронтовик'ёслэн об'единенизылэн кивалт'ясьёсы пöлысь одйгез Гуа.

Виль организация ивортыз аслэстыз программаз, кытын верамын, что Франция „виль Европае пырыськоно“ луэ, Германияен сотрудничество тупатано но странаын „национальной революция“ ортчытоно луэ.

Программае озы ик пыртэмын требование „французской расаез чылкытатон но защищать карон“, озы ик государствоен кивалт'яськысь корпоративной хозяйство кылдытон.

Отв. редактор П. МАЛЫХ. Поттысь Райсоветлэн Исполкомез.